

掌
中
宇
宙

掌中宇宙卷之二

山東兗州府推官汝陰盧翰輯

潁州道兵備副使潛江歐陽東鳳發刻

潁州知州扶風孫崇先閱

儒學署學正古吳王會圖校

仰觀篇下

天澤部

風

天地之氣噫而成風又曰天之偏氣怒者

爲風故曰大塊噫氣作則萬竅怒號又與
爲風以陰在內陽在外者不得入則周旋
不舍而爲風

風神四

飛廉風伯也風師箕星也吳起風封家十八姨

八方之風

距日冬至四十五日東北方條風至條者生也四十
五日東方明庶風至明庶者迎衆也四十五日東南
方清明風至清明者共也四十五日南方景風至

者大也言陽氣長養也四十五日西南方涼風至涼
寒也陰氣行也四十五日西方閭闔風至閭闔者咸
收藏也四十五日西北方不周風至不周者不交也
言陰氣未合也四十五日北方廣莫風至廣莫者大
莫也開陽氣也

八風布政

條風至則出輕繫去稽晉明庶風至則正封疆修田
疇清明風至則出幣帛使諸侯景風至則爵有位賞
有功涼風至則報地德祀四郊閭闔風至則收縣壘

琴瑟不張不周風至則修宮室繕邊城廣莫風至則
閉關梁決刑罰

八風從律

風生于十二辰之位艮為條風從大呂太簇之律震
為明庶風從夾鍾之律巽為清明風從姑洗仲呂之
律離為景風從蕤賓之律坤為涼風從林鍾夷則之
律兌為闔闔風從南呂之律乾為不周風從無射應
鍾之律坎為廣莫風從黃鍾之律

八節風候

立春日風東來夏糴賤南來夏糴賤主旱西來春夏
米貴豆熟北來水災

春分日風東來秋賤年豐南來五月先水後旱西來
麥貴北來米貴一倍

立夏日風東來雷電多南來年豐人安西來農人不
安北來泉湧地動

夏至日風東來八月人多病南來名順風大熟西來
秋大雨北來山水出

立秋日風東來人疫草木更榮南來秋旱西來田禾

倍收北來歲凶

秋分日風東未萬物不豐穀貴南來凶西來人民安
歲豐稔北來冬酷寒

立冬日風東米冬雷凶南來米年五月大疫西來凶
北來冬雪寒殺走獸

冬至日風東米人災南來穀貴西來年豐北來米
多風寒則年豐人安

雲

雲之為言運也天地之氣噓而成雲觸石

而起山氣也故又曰山川出雲膚寸而合
不崇朝而徧雨乎天下者惟泰山耳舒則
彌覆四海卷則消液入無形雲師謂之豐
隆

四雲

山雲草莽水雲魚鱗旱雲烟火溱雲波水

雲名十三

雨雲曰油雲雪雲曰同雲外赤內青謂之商雲慶雲
曰景雲或曰卿雲若烟非烟若雲非雲郁郁紛紛蕭

事中字卷二
索輪困是謂卿雲卿雲之見喜氣也暴風之後有交
駕車雲又有所謂浮雲玄雲碧雲晴雲白雲孤雲彩
雲者不一也

五雲占步

分至啓閉日以五雲之物辨吉凶水旱豐衰之浸象
雲氣青為蟲赤為兵荒白為喪黑為水黃為豐年

八節雲氣

元正日四方有黃雲氣五穀大熟有青氣雜黃主
蒸氣主旱黑氣大水

春分日東方青雲宜春歲熟無雲萬物不實人疫其
日晴明萬物不成

立夏日巳時東南有青氣年中大豐如有青氣不見
則歲彘災在十月應之

夏至日午時南方有赤氣宜百穀無雲氣日月無光
五穀不成人病目痛

立秋日申時西南有赤雲宜粟如無萬物不成地震
牛羊死在來年正月

秋分日日入西方有白雲如羊宜稻年豐如不至多

霜人彗疥疾來年二月尖

立冬日西北有白雲如龍馬宜麻如不至大寒傷物
人疫應來年四月

冬至日北方有青雲來歲熟若無雲凶赤雲旱黑雲
水白雲起疾黃雲兵興

八節雲出各有所如

冬至初陽雲出箕如樹立春少陽雲出房如積水春
分正陽雲出軫如白鵠穀雨太陽雲出張如車蓋立
夏初陰雲出情如赤珠夏至少陰雲出參如水波寒

露正陰雲出井如冠纓霏降太陰雲出鬼上如羊下
如蟠石見易通卦驗

雨旱

雨水從雲下也雨輔也言輔時生養也太
平之時雨不破塊旬而一雨雨必以夜凡
歲三十六雨此休徵時若之應

旱之言悍也陽驕蹇所至也亦為乾萬物
傷而乾不得水也君狩亢陽之節暴雲於
下故旱災應旱謂常陽鬼曰魁一名格

雨名十八

暴雨謂之凍小雨謂之霰霖時雨曰澍三日以往為霖久雨曰霪雨與雪雜下曰霰疾雨曰驟雨徐雨曰零雨久雨曰苦雨亦曰愁霖雨水曰潦雨雲曰淪雨霖而陰曠者謂之甘雨遺至天者祥風起甘雨降六月有大雨名濯枝雨夏至前雨為黃梅雨沾衣皆敗黧江浙梅欲黃落時則水潤土溽柱礎皆汗蒸鬱成雨謂之梅雨故江南三月雨謂之迎梅五月雨謂之送梅天有聲無雲而雨是謂天泣

致雨神物

雨師一曰屏翳一曰玄冥一曰赤松子鳥曰商羊魚曰蜥蜴物曰土龍亦曰蛇醫

旱有三

天旱國旱人旱曷為天旱蹇陽肆凶下土祗慎雖六七歲黎人不饑曷為國旱君道熾災德涸仁枯貪風暴氣蒸為時厲曷為人旱邦燬其政吏賊其行千里人心燥不為陰

陽氣之動也虹攻也純陽攻陰之氣也雲
薄漏日日照而滴則虹生虹雖天地淫氣
不暈於日不感也又曰虹蜺竦也陰陽交
接之氣著於形色者也常依陰雲而晝見
於日衝無雲不見太陰亦不見

虹二種

雄曰虹雌曰蜺舊說虹出日雙見鮮盛者虹其闇者雌
也一曰赤白色謂之虹青白色謂之蜺

虹二方

朝陽射之則在西夕陽射之則在東

虹三名

一名挈式一名蝦蟇一口蝶蟻今俗謂虹為虹

雷電

陰陽相薄為雷激揚為電有聲曰雷無聲曰電雷砰電射天怒也不能絲朝

陰陽相薄感而為雷激而為霆震為雷蓋陽在陰下不得出則奮迅而為雷疾雷為霆動萬物者莫疾於雷

雷謂之雷光陰氣伏於黃泉陽氣上通於天陰陽分爭故為電

春秋二仲雷

仲春之月日夜分雷乃發聲仲秋之月雷乃收聲

雷出入二期

雷二月出地百八十日雷出則萬物出八月入地百八十日雷入則萬物入入則除害出則興利人君之象也

雷神

雷師曰豐隆曰雷公曰阿香官曰謝仙有色如丹
目如鏡毛角長三尺餘收如六畜頭似彌猴者

雷具

雷車雷斧雷袂龍車石斧鬼鼓火鞭霹靂車

霜露

陰陽之氣也陰氣勝則凝而為霜陽氣勝
則散而為露霜以殺木露以潤草至秋三
月青女乃出降以霜雪則百工休針乃祭
獸豐山九鍾自鳴

霜名有五

早霜曰靄霜之白者曰皚又有所謂玄霜肅霜繁霜者

霜符二

王者政令苛則晷下霜誅伐不行則冬霜不殺草

露名二

色黃曰爵錫其凝如脂其美如飴曰甘露露者仁澤也一名天酒

飲四時露

春食朝霞霞者日始欲出赤黃氣也秋食淪陰陰者日沒以後赤黃氣也冬飲沆瀣瀣者北方半夜之氣也夏食正陽陽者南方日中氣也

甘露二符

甘露降者老得敬則松柏受之尊賢容衆則竹筴受之

五露

露之異者有五以為瑞也朱丹玄青黃此五露也

雪霰雹冰

溫則為雨寒則為雪雨與雪雜下曰霰
雨雪也從雨包聲霜陰氣所結盛則水凍
而成冰太平之代雪不封條凌彌毒害而
已聖王在上無電雖有不為灾司雪之神
曰滕六

六出

凡草木花多五出雪花獨六出至立春則五出
者備五行之數六出者納陰之數也

電霰二義

陰陽相脅而電霰盛陰雨雪凝滯而寒陽氣薄之不
相入則散而為霞盛陽雨水溫暖而熱陰氣脅之不
相入則轉而為電

冰名五

積冰曰凌冰壯曰凍冰流曰澌冰解曰泮木得雨而
冰曰樹人

霧

霧冒也氣蒙覆物也地氣發天不應曰霧
霧謂之晦又曰騰水上溢故曰霧又曰陰

陽之氣亂則為霧九重霧三日必大雨而未降不可冒行也

十月癸巳占霧二

霧赤為兵青為殃

能作霧者五人

蚩尤作大霧張楷能作五里霧裴偃能作三里霧東海曹公立成雲霧蜀都鄧公呼吸成霧

節序部

四始

天文志正月旦王者歲首立春四時之始

三正

子天正陽氣始至丑地正萬物始芽寅人正萬物孚
甲故周以子為天正商以丑為地正夏以寅為人正

三元

正月為端月其一日為上口亦云三元歲之元時之
元月之元

三朔

夏以半明為朔殷以鷄鳴為朔周以半夜為朔

三餘

冬者歲之餘日者夜之餘陰兩者時之餘

四時代謝皆以相生而秋則三伏

立春木代水水生木立夏火代木木生火立冬水代
金金生水至於立秋以金代火金畏於火故至庚日
必伏庚者金故也

斷火三日曰禁煙節

冬至後一百四日一百五日一百六日也據曆合在
清明前二日謂之寒食齊人呼為冷節又曰熟食

曰禁煙

起閏四法

歲法三百五十四日三百四十八分日法計九百四十分月法二萬七千七百五十九分歲餘法萬二千一百一十七分

一歲閏餘

歲有十二月月有三十日三百六十者一歲之常數也故日與天會而多五日九百四十分日之二百三十五者為氣盈月與日會而少五百九百四十分日

之五百九十二者為朔虛合氣盈朔虛而閏生焉

七閏一章

一歲閏率則十日九百四十分日之八百二十七三
歲一閏則三十二日九百四十分日之六百單一五
歲再閏則五十四日九百四十分日之三百七十五
十有九歲七閏則氣朔分齊是為一章也

一章之數

日行一度月行十三度十九分度之七周天三百六
十五度四分度之一故日一周天為歲歲十二月而

無整数故以閏月定四時三歲一閏五歲再閏及十九年而餘一百九十日一萬五千七百十三分以日法除之共得二百六日六百七十三分為七閏之數是謂一章

七閏餘數

三歲一閏復餘二千九百二十二分五歲再閏少四千三百八十三分八歲三閏少一千四百六十一分十一歲四閏餘一千四百六十一分十四歲五閏餘四千三百八十三分十七歲六閏餘七千三百五分

十九歲七閏七閏之外無餘分

十九歲總餘之數

一歲餘一萬二百二十七分二歲餘二萬四百五十四分三歲餘三萬六百八十一分四歲餘四萬九百八分五歲餘五萬一千一百三十五分六歲餘六萬一千三百六十二分七歲餘七萬一千五百八十九分八歲餘八萬一千八百一十六分九歲餘九萬二千四十三分十歲餘十萬二千二百七十分十一歲餘十一萬二千四百六十七分十二歲餘十二萬二千

千七百二十四分十三歲餘十三萬二千九百五十一分十四歲餘十四萬三千一百七十八分十五歲餘十五萬三千四百五十六歲餘十六萬三千六百二十二分十七歲餘十七萬三千八百五十九分十八歲餘十八萬四千零八十六分十九歲餘十九萬四千三百二十三分

章會統元四閏之數

三十七章為一會五百一十三年三會為一統八十一章一千五百三十九年三統為一元四千六百一

十七年章統會元運於無窮

順四時而撫五辰

五行在地為物在天為時順其時而撫之故仲春斬陽木仲夏斬陰木所以撫木辰季春出火季秋納火所以撫火辰司空相厥隰以撫土辰秋為徒杠春建溝渠以撫水辰又春德在木布德施惠順木辰也餘倣此

冬至之至有三義

一者陰極之至二者陽氣始至三者日行南至

祖臘各五

王者各以其行之盛日為祖以其衰日為臘水始於申盛於子終於辰故水行之君以子祖辰臘火始於寅盛於午終於戌故火行之君以午祖戌臘木始於亥盛於卯終於未故木行之君以卯祖未臘金始於巳盛於酉終於丑故金行之君以酉祖丑臘土始於未盛於戌終於辰故土行之君以戌祖辰臘

臘日名四

冬至後第三戌日夏曰嘉平商曰清祀周曰大蜡秦

初曰臘因臘取默以祭先祖也

四季神

春月青陽夏月朱明亦曰長嬴赤帝祝融之所司秋
曰白藏又曰素商白帝金神冬曰玄英又曰元英

占家有七

五行家堪輿家建除家葉辰家曆家天人家太乙家

掌中宇宙卷之三

山東兗州府推官汝陰盧翰鞞

潁州道兵備副使潛江歐陽東鳳發刻

潁州知州扶風孫崇先閱

儒學署學正古吳王會圖校

俯察篇

流峙部

地

元氣之重濁者下凝而為地其色黃其形

方而靜在天之中所以重濁不流者皆天
氣之凝聚于中而浮陽旋轉於外也厚七
萬三千一百里上至星天九萬七千二百
里下至九幽洞淵上至星天一千一百一
十八萬里東西二億三千五百餘里南北
二億三萬一千餘里

九土

東南神州曰農土正南次州曰沃土西南戎州曰湍
土正西弇州曰并土正中冀州曰中土西北台州

曰肥土正北濟州曰成土東北薄州曰隱土正東陽
州曰申土

五名山

華山牛首山泰山太室山東萊山

國朝方澤從祀名山五

基運山在泗州翔聖山在中都神烈山即鍾山在南

京天壽山在昌平州純德山在承天府

三島

崑崙山方丈蓬丘又蓬萊方丈瀛洲亦曰三島

十洲

瀛洲玄洲長洲流洲生洲祖洲元洲炎洲鳳麟洲聚
窟洲

九嶷山

朱明山石城山石樓山娥皇山舜源山女英山蕭韶
山桂林山梓林山

四川六山

蛾眉山晉城山錦屏山巫山赤申山白鹽山

巫山十二峯

望霞峯翠屏峯朝雲峯崧岫峯裂鶴峯淨瑤峯上界
峯集仙峯登籠峯聖泉峯起雲峯栖鳳峯

五嶺

大庾嶺贛州永明嶺揚州白芒嶺通州臘嶺彬州越
城嶺靜州

三峽

西陵峽即瞿塘峽歸峽即巴峽巫峽即巫山相連七
百里非亭午夜分不見日月

五陵

長陵安陵陽陵茂陵平陵班固西都賦曰南望杜霸
北眺五陵是知霸陵杜陵又不在此五陵之數

三大水

黃河長江鴨綠江為天下大水

曲江有三

廣陵有曲江今蘇州也見枚乘七發廣東有曲江今韶州也隄州有曲江即長安芙蓉園

三河

河東堯都河內商都河南周都

原缺

是也

三谷

褒谷斜谷子午谷

八陁

軹干陁太行陁白徑陁塗口陁井陘飛陁備陰陁運
都陁

河水四時名殊

黃河水每月各有名正月名凌解水二月三月桃花
水四月麥黃水五月水蔓水六月楚山水七月八月

荻苗水九月登高水十月後槽水謂水落復故道也
十一月十二月感凌水冰斷結感起成層也

方隅部

四維

東南巽西南坤西北乾東北艮

八埏

埏地之八際也東方沙海東南元澤南方浩澤西南
丹澤西方泉澤西北海澤北方塞澤東北元通澤

八紘

絃網維也東方之絃曰桑野南方之絃曰反户西方之絃曰沃野北方之絃曰委羽

九達

一達曰道路二達曰岐旁岐通旁出三達曰劇旁旁山坡多曰劇四達曰衢五達曰康六達曰莊東樂莊城也七達曰劇驂驂馬有四今有七故曰劇驂八達曰崇期崇多也多通會期于此九達曰達一作旭

九服

侯服甸服男服采服衛服蠻服夷服鎮服荒服

卷三十六郡

內史三川河東南陽南郡九江郡會稽潁川碭郡
泗水薛郡東郡齊郡上谷漁陽右北平遼西遼
東代郡鉅鹿郡上黨太原雲中九原鴈門上郡隴
西北地漢中巴郡黔中長沙後平百粵增置四郡閩
中南海桂林象郡

漢十三郡郡國一百有三

京兆扶風馮翊弘農河東河內河南七郡司隸校尉
領之潁川汝南沛郡梁國魯國五郡豫州刺史領之

魏郡鉅鹿常山清河廣平真定中山信都河間趙國
十郡冀州刺史領之東郡陳留山陽濟陰功山城陰
淮陽東平八郡兗州刺史領之瑯琊東海臨淮泗水
楚國五郡徐州刺史領之平原千乘濟南齊郡北海
東萊膠東高密菑州九郡青州刺史領之南陽南郡
江夏桂陽武陵零陵廣陵長沙八郡荊州刺史領之
廬江九江會稽舟陽豫章六安六郡揚州刺史領之
漢中廣漢巴郡蜀郡犍為越雋牂牁益州八郡益州
刺史領之安定北地隴西武威金城天水武都張掖

酒泉燉煌十郡涼州刺史領之太原上黨上郡西河朔方五原雲中定襄雁門九郡并州刺史領之涿郡渤海代郡上谷漁陽右北平遼西遼東廣陽樂浪玄菟十一郡幽州刺史領之南海鬱林蒼梧交趾合浦九真日南七郡交州刺史領之

晉十九道郡凡一百七十有二

司州道兖州道豫州道冀州道并州道青州道徐州道荊州道揚州道涼州道雍州道秦州道益州道梁州道寧州道幽州道平州道交州道廣州道

唐十五道州凡三百五十八

關內道河南道河東道河北道山南道隴右道淮南道江南道劍南道嶺南道貞觀元年始置十道至明皇開元二十一年因十道分山南河南為東西道又增置黔中及京畿都畿為十五道

宋二十三路

曰京東東西曰京西南北曰河北東西曰河東曰陝西二路曰兩浙二路曰淮南東西曰江南東西曰荆湖南北曰成都等四路曰福建曰廣南東西曰燕山

府

化外州六處

河北化外安東上都護七州陝西化外安西大都護
四州北庭大都護四州河東化外單于大都護宛北
大都護鎮北大都護七州湖北化外三州成都化外
十一州夔州化外三州

周二京

西京武王作邑於鎬京謂之宗周東京成王定鼎於
郊廓謂之成周

三都

西都京州

東都

河南北都太原

五都

上都京北東都河南西都鳳翔南都江陵北都太原

都市五均

長安五都市為五均洛陽邙鄭臨淄宛城成都

六輔

曰京兆曰扶風曰馮翊曰河東曰河南曰河內

八關

函谷廣城伊闕大谷鞆鞆旋門小平津孟津

國朝六關

居庸紫荆倒馬

隸直隸聯絡鴈門太行古燕趙之交

鴈門寧武偏頭

隸山西聯絡代郡雲中

三垂

東之邊曰東垂南之邊曰南垂西之邊曰西垂

國朝九邊

遼東

在山東東北即古幽營地太寧在保定西古會

州地

宣府在直隸西古上谷地榆林在延安北古上

郡地大同在山西鴈門北古雲中地寧夏在陝西慶
陽廿古朔方地甘肅在陝西臨洮西古張掖酒泉地
薊州在京師東古漁陽地固原在陝西平梁西古開
城地

四夷

東方貉从豸西方羗从羊南方蠻从虫北方狄从犬
國朝不征十五夷

東北朝鮮即高麗正東偏北日本對寧波正南偏東
大琉球對福建小琉球海中西南安南即交趾真臘

濱海暹羅神海占城濱海蘇門答刺濱海西洋濱海

瓜哇濱海彭亨居海中百花居海中三佛齊居海中

淳尼居海中

四極四荒

東至於秦遠西至於邠國南至於濮國北至於祝栗
謂之四極觚竹北戶西王母日下謂之四荒觚竹在

北北戶在南西王母在西日下在東皆四方昏黃之

次四極者九夷八狄七戎六蠻謂之四海夷東狄北

戎西蠻南次四荒者距齊州以南戴日為丹穴距去

也齊中地北戴斗極為空同東至日所出為太平
至日所入為太蒙太平之人仁丹穴之人智太蒙之
人信空同之人武

九夷一名九戎

狄夷于夷方夷黃夷白夷赤夷元夷風夷陽夷

三胡

林胡樓胡東胡

八蠻

天竺咳首熊徒跋踵穿骨僭耳狗軹旁春

五狄

月支狄赤狄包奴狄單于狄白狄

五涼

前涼張軌後涼呂光南涼禿髮西涼李向北涼沮渠

四夷氣

北夷之氣如牛羊穹廬南夷之氣如舟船幡旗東夷之氣如樹西夷之氣如室屋

地形土氣之辨凡四十有九

凡地形東西為緯南北為經山為積德川為積刑高

者為生下者為死丘陵為牡谿谷為牝水貫折者有
珠方折者有玉清水有黃金龍淵有玉英土地各以
其類生是故山氣多男澤氣多女障氣多暗嵐氣多
聳林氣多瘡木氣多僂岸下氣多腫石氣多力險阻
氣多瘦暑氣多夭寒氣多壽谷氣多痺丘氣多疔衍
氣多仁陵氣多貪輕土多利重土多遷濟水音小濁
水音大湍水人輕遲水人重中土多聖人堅土人剛
弱土人肥壩土人大沙土人細息土人美耗土人醜
食水者善游耐寒食土者無心而慧食木者多力而

學山字官卷三
異食草者壽走而愚食葉者有絲而織食肉者勇敢
而悍食氣者神明而壽食穀者智慧而久不食者不
死而神

名勝部

三十六洞天

第一王屋山第二委羽山第三西城山第四西玄山
第五青城山第六天台山第七羅浮山第八句曲山
第九林屋山第十括蒼山

三十六洞天

第一霍童山第二東嶽太山第三南嶽衡山第四西
嶽華山第五北嶽恒山第六中嶽嵩山第七蛾眉山
第八廬山第九四明山第十陽明山第十一太白山
第十二西山第十三大圖山第十四潛山第十五鬼
谷山第十六武夷山第十七玉笥山第十八華蓋山
第十九蓋竹山第二十都嶠山第二十一白石山第
二十二勾漏山第二十三九嶷山第二十四洞陽山
第二十五幕阜山第二十六大酉山第二十七金庭
山第二十八麻姑山第二十九仙都山第三十青田

山第三十一鍾山第三十二良常山第三十三紫蓋山第三十四天目山第三十五桃源山第三十六金華山

七十二福地

第一地肺山第二蓋竹山第三清遠山第四白安山第五石磴山第六東仙源第七青嶼山第八郁木洞第九赤水山第十丹霞洞第十一君山一云青草湖第十二桂源第十三靈墟山第十四沃州第十五天姥岑第十六若耶溪第十七金庭山第十八馬嶺

第十九鵝羊山第二十洞真墟第二十一清玉壇第
二十二天光壇第二十三洞霄宮第二十四陶公山
第二十五洞靈源第二十六三皇井第二十七爛柯
山第二十八芹溪第二十九龍虎山第三十靈山第
三十一泉源第三十二逍遙山第三十三閣阜山第
三十四始豐山第三十五金精山第三十六東白源
第三十七鉢池第三十八淪山第三十九毛公墟第
四十鷄籠山第四十一桐栢山第四十二平都山第
四十三綠羅山第四十四彰觀山第四十五抱福山

第四十六大面山第四十七虎溪山第四十八元辰
山第四十九馬跡山第五十堯時善養先生修道處
第五十一玉峯第五十二藍水第五十三德山第五
十四天目山第五十五商谷山第五十六張公洞第
五十七魚湖洞第五十八中條山第五十九司海馬
山第六十綿竹山第六十一甘山第六十二瑰山第
六十三金城山第六十四雲山第六十五北邙山第
六十六武當山第六十七女兒山第六十八少室山
第六十九廬山第七十西山源第七十一南田山第

七十二玉蟠山

金陵四形勝

東以赤山為成皋南以長淮為伊洛北以鍾山為曲阜西以大江為黃河

齊國四形勝

東有瑯琊即墨之饒南有泰山之固西有濁河之限北有渤海之利

鄂渚四形勝

控接湘川邊帶漢沔江吞雲夢地聯峴荆

晉陽四形勝

左有恒山之險右有大河之固南有石嶺之關北有雲內之塞

京兆四形勝

前臨沙苑後枕澠岡左接平原右帶沮水

吳王八景

姑蘇臺百花洲香耒溪西施洞沅花池採香徑碧泉井館娃宮

燕山八景

薊門飛雨瑤島春陰太液秋風蘆溝曉月居庸疊翠
玉泉垂虹道陵夕照西山晴雪

瀟湘八景

山市晴嵐漁村落照江天暮雪煙寺晚鍾平沙落鴈
遠浦歸帆瀟湘夜雨洞庭秋月

桃源八景

桃川仙境白馬雪濤綠蘿晴畫梅溪烟雨潯陽古寺
楚山春曉沅江夜月童坊曉渡

嘉川八景

曰岑公洞曰西山曰秋屏曰魯池曰江會樓曰天生
橋曰蛾眉磧曰古練石

西湖十景

蘇堤春曉斷橋殘雪雷峯夕照麴院風荷平湖秋月
柳浪聞鶯花港觀魚南屏晚鍾三潭印月兩峯插雲

四川六險

瞿塘第一險劍閣第二險平陽關第三險葭萌關第
四險石頌關第五險百崖關第六險

四方人物

南方有不死之草北方有不釋之水東方有君子之
國西方有形殘之戶